


# LETŠATŠI LA MME

 . . . tabarenekele, ke thapelo ya ka. Ke thabile ka kgonthe mosong wo, go bona go namelela ga semoya ga tabarenekele ye, le ka moo, leswao ntle mo, ba a lokiša bjale go aga kereke ye mpsha. Ke a nagana e a hlokega. Gomme go bona ka morago . . . ge Morena Jesu a diega, morago ga ge re sepetše, ba tla swanelwa ke go ba . . . bana ba rena ba tla swanelwa ke go ba le lefelo mo ba yago kerekeng. Gomme re nyaka ka “tlhokofalo go hlabanela Tumelo ye e filwego bakgethwa gatee.” Nagana seo ke selo se sebotse.

<sup>2</sup> Gomme ge ke be ke no tla ka gare, dinakwana di se kae tša go feta, go oketša le mabopaki a mantši ao a šetšego a filwe mabapi le diphodišo, tša dikopano di se kae tša go feta, ka tabarenekeleng mo. A no pakelana kgafetšakgafetša, a diphodišo, mehlolo ye megolo ya diphodišo.

<sup>3</sup> Ke sa tšwa go tlogela mosadi wa ka ka ntle, feela bjale, le bana mo mo—mo mojako; gomme go be go le kgaetšedi, o dutše a le gona bjale, feela go kwatšega bjalo go fihla a be a lla, ka mohlolo wo mogolo o diregilego go setlogolomorwa sa gagwe se sennyane, tsela tlase, ke a nagana, ka Chattanooga. Mdi. Nash, mo, setlogolomorwa sa gago se be se tlaišega ka tlaišego, gomme kopano ya mafelelo mo, Morena Jesu, ke a nagana, o biditše ntle, le gore, “GO RIALO MORENA, yeo, e sepetše. Gomme o ya go loka.” Gomme serathana se sennyane se itekanetše ka go phethagala le go ba gabotse, feela gabotse ka fao a kgonago go ba.

Gomme go—go a kwatša, o kwa mabopaki ao.

<sup>4</sup> Gomme ka gona moisa yo moswa, yo gape a lego gona, o kgopeletše Mdi. Scotts thapelo, yo a sa tšwago go dira karo. Gomme kgahlego ya bona; le a bona, ge go se yo a re nyakago go ba rapelela, gobaneng ba bona . . . go a laetša, ge feela o leka, batho ba nyaka gore o ba rapelele, gona ba, kgahlego, le a bona. Dinako tše dingwe e šiiša kudu, go fihla . . . e sego go šiiša, eupša tše ntši kudu, go fihla o swanela go tšhabela ntle felotsoko le go hloma hlogo ya gago kgole, le go ikuta gannyane ga nthathana, go phela. Eupša, ke—ke a thaba go dira seo. O se tsoge wa nagana gore ga ke nyake go ba bona, ka gore ge ba . . . ge go be go se o tee a bego a nnyaka go ba rapelela, bodiredi bja ka bo ka be bo le kae? Le a bona? Le a bona?

<sup>5</sup> Eupša dinako tše dingwe ge o re, “Ngwanešu Branham, ga ke kwešiše ge batho ba bitša ka mokgwa woo, gomme—gomme o ngwegela ka ntle felotsoko.” Ke swanetše go dira seo gore ke phele, go rapelela batho. Ga o no . . . Ga e no ba—ga e no ba feela lefelo letee, mo. Ke gohle godimo ga lefase. Le a bona? Gomme—

gomme go makgwakgwa ka kgonthe. Gomme ke na le nnete gore le kwešiša seo.

<sup>6</sup> Oo, ke mo gobotse go ba Mokriste! Ke no se tsebe gore ke be ke tla dira eng ge e be e se ka Kriste, gomme bjalo . . . le go ba le tswalano le Bakriste, bao, batho ba Tumelo ye bohlokwa ya go swana, ba ba dumelago ka go Modimo gomme ba Mo tshepa; gomme ba dumela gore letšatši le lengwe la letago re tla be re le ka godimo ga ntwā yohle ye, le go ba le phenyo, le go ema re lopolotšwe ka go seswantšho sa Gagwe, ka go lehlakore le lengwe.

<sup>7</sup> Gomme ka gona ke nyaka go dira tsebišo ye kopana feela, gore, ka go tabarenekele ye e tlogo, le go ya pele, ke . . . re dira mpshafatšo ya motheo wa rena, gagolo karolo ya ka ya dikhampheine. Gohle go theoga mmogo go kgabola dikopano, ge e sale ke thomile ka go ye, ka go lehlakore la boebangedi, mengwaga ye mentši ya go feta, go e na le go dira motheo, go ba le sehlopha se sengwe sa batho, ke nno šomiša sehlopha se ke bego ke tlwaelane le sona; gomme go tšwa . . . gomme go dira motheo, gore dikopano tša ka tšohle di tla dirwa ka fase ga leina la Branham Tabernacle. Gomme e tla šomišwa ka go Union National Bank ka New Albany, bjalo ka fao matlotlo a ka kgonago go patelwa—patelwa ka yeo, gore e se ke ya lefišwa motšhelo. Ge nkabe ke se ka dira, tšhelete yohle e kolekilwego e be e tla lefišwa motšhelo go nna, ge nkabe ke se ka šomiša Branham Tabernacle bjalo ka motheo.

<sup>8</sup> Bontši bja lena le nkwele ke tsebiša seo, nako ka morago ga nako. Ke swanetše go e dira, le go . . . gore ke dire seo. Gomme bjale—bjale re bea godimo motheo o moswa bjale. Gomme re rata bontši bo tseba gore ke . . . Ke ba bakae ba kilego ba nkwa ke tsebiša seo, gore ditefo tšohle, ke šoma ka Branham Tabernacle? E nong go phagamiša diatla tša lena godimo, bohle . . . Nnete, bohle ba lena. Ke bohle.

<sup>9</sup> Gomme kafao ge tirelo e fedile, ge le ka rata, ke na le setatamente se sennyane kua, gore le, ge le ke se saena ge le eya ka ntle. Ngwanešu Roy Roberson o tla ba le sona morago kua.

<sup>10</sup> Nnete, re ya go bea godimo motheo wo mongwe, selo sa go swana, feela . . . eupša motheo wo mongwe, gore matlotlo ohle a rena le dilo, ao a kolekilwego godimo ka kopanong, a širošwe go lefišwa motšhelo, a tla . . . a bewa, bjalo ka mehlang, ka go Union National Bank, go šomišwa ka tabarenekele, sebakeng sa go ba le mo—mo mothe- . . . motheo wo mongwe. Ka gore, wo e šetše e le motheo, ka leina la Branham Tabernacle, le a bona. Gomme kafao go na le Branham *mo* le Branham *mola*, gomme ka mokgwa wo, le metheo ya go fapana e sa yego gabotse kudu.

<sup>11</sup> Ngwanešu Roberson o tla hlokomela seo, lena bao le ratago, ge re eya ka ntle. Re tla e leboga.

<sup>12</sup> Bjale, mosong wo, pele re tsena ka go tirelo, ke rata gore, Morena ge a rata, gore ke tla leka go ba morago gape bošegong bjo. Ke hloya go tšea bobedi dikopana go tšwa go Ngwanešu Neville, eupša o nkgopetše ka bofakudu go bolela gape bošegong bjo. Gomme ge Morena a rata, ke nyaka go bolela bošegong bjo ka thuto ya boebangedi ya, go bitšwa se: *Ke Mang Yo?* Le a bona? *Ke Mang Yo?*

<sup>13</sup> Gomme kafao mosong wo, ke nyaka go . . . Ke be ke nagana ka—ka go bolela mosong wo ka thuto ya Letšatši La Mme. Gomme ke a tseba gore morago ga sekgalela se le mošomong go be gohle go tletše ka mananeo a Letšatši La Mme. Kafao ke gopotše ke tla ba mohuta wa go kopanya se sengwe, ka gore re nyaka go rapelela balwetši ka pela ka morago ga ge tirelo ye e fedile, le bjalo ka mehleng.

<sup>14</sup> Re a dumela gore Modimo ke mofodiši, gomme O fodiša balwetši le batlaišwa. Gomme ke a tseba O dira seo. Gomme e ka godimo ga dipelaelo tše di itšego—di itšego, gore, ka gore re na le mabopaki a mantši a pakelane godimo, ao re tsebago seo.

<sup>15</sup> Maabane ke be ke lebeletše ka go mokotla woo Ngwanešu Gene le Leo ba nnogo go o boloka, wa mabopaki ao ba a topilego. Gomme e be e le mokotla wa go tlala wa tša go ikgetha, diphodišo tša mohlolo tše Morena a di diretšego batho.

<sup>16</sup> Gomme ka nagana, ge seo se le bjalo, go ka reng ge re be re bolokile bohlatse bja tšohle tše di diregilego? Ke a thanka, ka Puerto Rico le Jamaica, go nnoši, di ka be di kitimetše dikete tše lesome, goba bokaonekaone, mabopaki a go ikgetha, a diphodišo tša Morena, tše A di dirilego.

Bjale pele re bula Puku, a re boleleng le Mongwadi.

<sup>17</sup> Morena, re Go thabetše kudu, gore ke, ge re inamiša dihlogo tša rena, re no kekeretša go mantšu go bolela; ka gore ga ke dumele gore go robetše ka go dipounama tša motho go hlagiša maikutlo a pelo ya monna goba mosadi, mošemane goba mosetsana, yo a kilego a kgomana le Wena. Go hlagiša mabobo a rena, a ka fao re Go boboelago ka gona, le se O se rago go rena. Se re arogantše le sebe, gomme se re arogantše le lefase. Gomme se re fa se sengwe seo e lego sa ka Gosafelego le go šegofala. Gomme ga re kgone go hwetša mantšu go lekanela.

<sup>18</sup> Bjalo ka ge gatee go ile gwa bolelwa ke monna wa go hlomphega, dibeke di se kae tša go feta, gore o kgona go bolela ka thelelo ka e ka ba maleme a senyane a go fapana, a swere maemo a gagwe le moeletši go morategi Mopresitente wa rena, Dwight Eisenhower. Le ge a kgona go bolela maleme a senyane, ka thelelo; o rile, ge a amogetše Moya wo Mokgethwa, o lekile ohle a senyane, gomme go be go se mantšu ao a bego a ka kgona go a hwetša, ga go selo se bego se ka kgona go hlagiša, gomme kafao O mo file leleme le leswa go hlagiša le go Go leboga ka lona. Gomme re ikwela ka tsela yeo, le rena, Morena; gore, ge

bophelo bo fedile, gore mohlomongwe re tla bolela gohlemmogo ka leleme la go fapana, gore re kgone go hlagiša se re se gopolago ka Wena.

<sup>19</sup> Bjale re ka go kgopela, Morena, gore O tla šegofatša tabarenekele ye, modiša wa yona, bahlokomelaphahlo ba yona, matikone a yona, bohle batswalana le yona, batho ba ba etago mo, ba tsenago ka gare le go tšwa ka mejako. A nke e hwetšwe ka mehla bjalo ka ge e gafetšwe, go ba lefelo la go khutša, moo balapi ba ka tlogo ka gare ga mejako ya yona gomme ba hwetša go khutša le khutšo go disoulo tša bona. Gomme gore balwetši ba tla tla ka gare ga mojako, le go tšwela ka ntle ba lokile, ka baka la Bogona bja go phela go ya go ile bja Ramaatlakamoka Modimo Yo a dulago ka tlase ga hlaka.

<sup>20</sup> Re tla kgopela, Morena, gore ka go lenaneo le le tlogo la . . . le le dirwago bjale, gore O tla kopana le poto le go kopana le bohle. Gomme ge go Go kgahla bjalo gore go tla ba segopotšo sa go tšwelapele sa thapelo ye ya go rapelwa ka go mogobe wo wa kgale, sebataolo sa ngwang, letšatši le lengwe; gore bjale e tlile ya ba ntlo ya seetša, lefelo la go khutša la molapi, ka baka la karabo ya thapelo yela.

<sup>21</sup> Bjale re le balele e ka ba eng re e dirilego, goba re e boletšego, goba re e nagannego, e bego e le kgahlanong go thato ya Gago ye kgolo; gomme lelewa, Morena, ga e tšwe go dipelo tša rena. Re ka no ba re e hlagišitše ka ditiro tša rena goba ka dipounameng tša rena. Eupša, ka bjako, Wena o re kwele. Ge re bone gore re be re fošitše, re be re rata go ipolela yona. Gomme ga re nyake go swara ka dipelong tša rena, bokgopo, gona re a tseba gore Modimo a ka se arabe thapelo ya rena; eupša kgafetšakgafetša go ipolela diphošo tša rena.

<sup>22</sup> Gomme re tla kgopela, Morena, gore O tla šegofatša, mosong wo, bohle go kgabaganya setšhaba, ge se keteka letšatši le legolo le la Letšatši la Mme. Eupša a nke le e se ke ya no ba le—le letšatši la mme; a nke letšatši le lengwe le le lengwe le be bjalo.

<sup>23</sup> Modimo, efa mosong wo, gore bomme, basadi, ba ba tlarumilego kgole go tloga go Modimo, gore ba tla tla go bobonabeng, mosong wo, gomme ba tla lemoga gore se lentšu *mme* le se rago, “yo motee yo a tswetšego.” A nke a lemoge gore ditholwana, go tšwa kopanong ya gagwe le monna wa gagwe, e bile mabjebohlokwa a makgethwa a mannyane ao Modimo a a beilego ka tlase ga tlhokomelo ya bona. Ka gona, Modimo o tla mo swara boikarabelo kgodišong ya bana bao. Gomme bjalo ka ge Lengwalo le bolela, gore, “Mosadi wa go loka, le mme, se a lego sona, gore bana ba gagwe ba tla mmitša mošegofatšwa.”

<sup>24</sup> O Morena, ge re bona letšatši, ge ba eya kgole bjalo go tloga go Mangwalo, gabotse le go dira bjalo ka dibatana! Re a rapela, Modimo, gore O tla re fa tsošeletšo ya fešene ya kgale ye e tla ba biletšago morago go lefelo mo ba swanetšego go ba.

25 Morena, re ka se ke, ka mokgwa ofe, ra lebala go Go leboga ka bomme ba kgonthe, ka gore re a tseba re na le ba ba bjalo ba ba phelago lehono; ba kgonthe, bomme ba mmapale. Modimo, ba šegofatše. Ke mahumo a magolo go rena, gomme re a rapela gore O tla tšwelapele o na le bona, Morena, gomme a nke ba phele ba thabile le go bona kenya ya popelo ya bona e direla Modimo.

26 Gomme re a rapela, Modimo, gore bao ba aparago rosa ye tšhweu mosong wo, goba letšoba le lešweu, go bolela gore mme wa bona o fetetše ka mošola wa lefelo le la tiragalo lehono; a nke, Morena Modimo, ba khutše ka khutšo gomme mešomo ya bona e tla ba latela. E fe, Morena.

27 Bjale tšea Lentšu la Gago, Morena, gomme bolela le batho, gomme ba fe khomotšo, ka gore ke ka baka leo re kgobokanego mo; go ikwela Bogona bja Gago, go kwa Lentšu la Gago, le go šegofatšwa; le go tloga mo go ba banna ba bakaone le basadi, bašemane le basetsana, go feta ge re be re le ge re be re tseno. Re kgopela se Leineng la Jesu, Morwa wa Modimo. Amene.

28 Ke rata go balwa go Lentšu la Gagwe la go šegofala. Kafao bjale re tla phetla, mosong wo, ka go Puku ya Bakorinthe ba Pele, le go bala karolo ya tema ya 15, go thoma ka temana ya 1.

*Ka go fetiša, baena, ke bolela go lena ebangedi ye ke e rerilego go lena, yeo gape le e amogetšego, gomme yeo le emego ka go yona;*

*Yeo gape le phološwago ka yona, ge le boloka ka kelellong seo ke se rerilego go lena, ntle le ge e se ge le dumetše ka lefela.*

*Ka gore ke tlišitše go lena pele ga tšohle seo le nna ke se amogetšego, ka fao Kriste a hwilego bakeng sa dibe tša rena go ya ka mangwalo;*

*Gomme gore o ile a bolokwa, le gore o tsogile gape ka letšatši la boraro go ya ka mangwalo;*

29 Le ka no re, “Ngwanešu Branham, seo gabotse ke sehlogo se se sego sa tlwaelega bakeng sa molaetša wa Letšatši la Mme.” Gabotse, yeo ke therešo. Eupša, le a tseba, Modimo ke wa go se tlwaelege, gomme O dira dilo ka tsela ya go se tlwaelege.

30 Gomme ke a nagana, menagano, ka mme. Gomme ke na le yo motee mosong wo, ka mogau wa Modimo, o sa le fa mo lefaseng le rena. Gomme ke thabela mme kudu. Eupša diphedi tše re bego re swanetše go ba, gape, tirelo ya phodišo, gomme ke sa tsebe gore ke be ke tla ba morago gape bošegong bjo, eupša ke gopotše mohlomongwe gore re be re ka kgona go penta mohuta wa go fapana wa seswantšho.

31 Mme ke yo mogolo kudu. Le a tseba, wa mathomo yo a go amogelago, ka bophelong bjo, ke mmago. Ga go yo motee a ka kgonago go go kgwatha, ka gore o imilwe, gomme o go rwala ka tlase ga pelo ya gagwe. Gomme ke wa mathomo go go tseba, le

wa mathomo go, ka bophelong bjo, go—go go swara. Ka gona, ge o tswalwa, ke yo mongwe wa diatla tše di go kgwathago le go phumula morago megokgo ntle go tšwa mahlong a gago. Ke wa mathomo go go phaphatha le go go rata, le go go hlaletša, ka bophelong bjo, ke mmago. Bjale, ke nagana gore ga go tlhompfo ya go lekanela ye re ka kgonago go e fa mme.

<sup>32</sup> Mme ke wa mathomo le ngwana, gomme ke boikarabelo bjo bogolo bja se ngwana yoo a tla bago sona, se tla thewa godimo ga tsela ye mme yoo a thomago ngwana yo godimo ga tsela ye a swanetšego go e sepela. Mme o na le boikarabelo, go tšwa go Modimo, go bea ngwana yoo ka tseleng ya maleba. Ke a nagana ke ka baka leo bomme ba nago le kgwatho ye nnyane ya go ikgetha.

<sup>33</sup> Ke tseba ka mošemane ka go toropokgolo ye. E nagana mmagwe o gona bjale. Gabotse ke wa mengwaga ya ka. Eupša ga ke bolele se go gobatša mme; ka gore o na le dikgobalo go lekanela, bjalo ka bomme bohle. Eupša mošemane o a nwa, gomme o nwa boima. Gomme ge a tagilwe ka kgonthe, o tla tla gae gomme a tabogela malaong le mmagwe le go bea matsogo a gagwe go ma dikologa. Gomme o na le ditlogolo. Eupša go selo se sengwe feela ka go phaphatha ga mme, se se bonalago se tšea le—le lefelo la go fapana go feta e ka ba eng gape e ka kgonago go kgwatha; ke gore, ka bophelong bjo, go bolela setho.

<sup>34</sup> Le a tseba, monna wa go swana le Moshe, o . . . Ge nka fa moputso go e ka ba eng go semelo sa gagwe, ke ka gobane o bile le mme serongwa ke Modimo. Le a tseba e bile yena a rapetšego, Jogobeta, gomme o be a hlologetše lesele le. Gomme ge a tswetšwe, e bile yena wa go mo hlaletša, go mo phophola le go mo agela areka le go mmea ka gare ga lehlakanoka, ge pelo ya go šokiša ya gagwe e be robegile. Lesele la gagwe le lennyane le nnoši, gomme e be e le le—le lethabo le lennyane le go ikgetha kudu le bego le le ka go lefase lohle. Ka fao mme a ratago lesele le lengwe le le lengwe! Eupša go bona moisa yo monnyane yo wa go ikgetha.

<sup>35</sup> Gomme ka nako yeo, ka pelong ya gagwe, o tsebile gore o be a belegetšwe morero, ka gona go mo tšea go mmea ka go lona legolo la dikwena, ntle ka nokeng. Ka tumelo o dirile seo, a tseba gore Modimo o be a kgona go mo hlokomela; gomme go ngotlofatša lerato la mme, le tiro ya semelo sa tumelo ya gagwe. Ka gore tumelo ga e ipee yonamong godimo ga mašabašaba a a šuthago a se e ka kgonago go se bona; tumelo e khutša ka go felela godimo ga leswika la go se šuthe la Lentšu la Modimo la ka Gosafelego. “Ka gore ka tumelo,” go bolela Lengwalo, “o dirile se.”

<sup>36</sup> Gomme tumelo e kgona go tšea go ema ga yona godimo ga leswika, leo maphotho a itielago metheo ya lona ntle, le go lebelela thwi ka go sefahlego sa lehu le go tseba gore e tla no ba gannyane ga nthathana, eupša tumelo e kgona go

lebelela go kgabaganya lewatle go bona Yena yo a rilego, “Ke nna tsogo le Bophelo,” gomme ya palelwa le ke go kwa maphotho a kgaphetša.

<sup>37</sup> Woo ke mohuta wa tumelo ye mmago Moshe a bego a na le yona. O mo rutila le go mo godiša ka paleising ya Farao, a mo ruta gore o be a tswaletšwe morero, gore Jehofa o be arabile thapelo ya gagwe. Gomme, o . . . o be a ka se kgone go ba le morutiši yo mokaone. Ke se se thušitšego go kgoloka semelo se Moshe a bego a le sona.

<sup>38</sup> Ke a dumela ke Abraham Lincoln yo a dirilego setatamente sa go swana le se . . .

<sup>39</sup> Bjale, ga se nna Ledemocrat goba Lerepublican, ke no . . . Ke nna Mokriste. Ka gore, ke a nagana lehlakore le lengwe le ka se kgone go bolela e ka ba eng kgahlanong le lehlakore le lengwe; wohle a senyegile. Eupša, Abraham Lincoln, go menagano ya ka, e be e le yo motee wa . . . gomme e be e le yo mongwe wa Dipresitente tše kgolokgolo kudu tšeo United States e kilego ya ba natšo; go akaretša Washington, le go ya pele.

<sup>40</sup> Ka gore, Abraham Lincoln o bile le ma—ma mathomo a mabe. O be a le modiidi. O be a se ne bokamorago, ge go etla go thuto, goba—goba selo se sengwe se segolo, goba tšhelete, goba se sengwe se bego se ka kgona go mo thuša, go swana le ge Washington a dirile. Washington e be e le sealoga sa kholetšhe, gomme o—o be a tseba; o be a le monna wa setswerere, monna yo mogolo, sa mathomo. Eupša Lincoln o godišitšwe ka ntlwaneng ye nnyane ya dikota, ka tlase ga mabala a magolo a Kentucky, gomme go se lebatlo ka go ntlwana ye nnyane ya kgale ya dikota, ye e dutšego bjalo ka segopotšo mo ka Louisville bjale. Eupša, ka go ba monna yo mogolo a bego a le yena, o ile a swanela go ithuta go ngwala, godimo ga mobu wo a bego a o lema, go bjala mabele.

<sup>41</sup> Eupša nka no fetišetša se go batho ba baswa. A le a tseba Abraham Lincoln ga se a ke a ba le puku ka bophelong bja gagwe, go fihla a na le mengwaga ye masomapedi tee ka bogolo, eupša Beibele le puku ya Foxe ya bahwelatumelo? Le a bona, se o se balago se kgoloka semelo sa se o lego sona. Ga go makatše re na le sehlopha sa mahlanya lehono; dikgatišobaka tše nnyane tša kgale e sego tša nnete, le mahlapa le ditšiebadimo, di bewa godimo ga mafelo a rena a ditaba. O be a na le Beibele le puku ya Foxe ya bahwelatumelo. Lebelelang se e mo dirilego sona!

<sup>42</sup> Eupša ka sefahlegong sa seo sohle, letšatši le lengwe o dirile setatamente sa go swana le se. O rile, “Ge go ka ba selo se se itšego se sebotse se hwetšwago ka go nna, ke ka baka la mme wa bomodimo,” yo a mo godišitšego go direla Modimo.

<sup>43</sup> Le a bona, ngwana o theetša mmagwe; kgwatho ye e itšego ye nnyane ka mme yola, ngwana yo monnyane yola o tla e theetša. Ge le gobetše, le tla ya go mme bakeng sa khomotšo pele le eya go tate. Ka gore, o be pele a na le lona, le a tseba. Gomme go na le

mpho ye nngwe Modimo a e fago mme, go ba ka tsela yeo; ke ra mme wa kgonthe. Bjale, ke a dumela gore bomme ba a hlomphega le bomodimo.

<sup>44</sup> Eupša ke a dumela, a mabjalo ka Matšatši Mme, bjalo ka le, ke lepotlapotla, go dira tšhelete ye ntši go tšwa go matšoba le dilo. Eupša letšatši la mme e swanetše go ba letšatši le lengwe le lengwe. E sego go mo romela sehlopha sa matšoba ka Letšatši la Mme, eupša go mo rata le go mo hlokomela makgolotharo le masometshela tlhano a matšatši le mašego, go kgabola ngwaga. Eupša, nnete, lefase la kgwebo le na le go swara mo go golo go dilo tša go swana le tšeo, gomme le—le—le fefola mme.

“Oo, gabotse, Letšatši la Mme la go feta ke mo rometše sehlopha sa matšoba.”

<sup>45</sup> O tla leboga, gohle kudu go feta, e no dula fase gomme o bolele le yena gannyane feela ga nthathana, mo ngwalele mothaladi, mo phaphathe legetla, mo atle lerameng, mmošše gore o a mo rata. E tla ya kgolekgole kudu go feta matšoba ohle a o ka kgonago go a reka go tšwa go ramatšoba. Yeo ke therešo.

<sup>46</sup> Ke a dumela e be e le ka go Melao ye Lesome, yo a fetilego Cecil DeMille, yo a ngwadilego le go bea godimo ga sekerini e tee ya ditšweletšwahlwahlwa tša lefase la mobi. Gomme pele o ka bewa tiragalong, goba go dumelelwa ntle, Cecil DeMille o biditye Oral Roberts le Demos Shakarian, le sehlopha sa badiredi ba Full Gospel, gomme a ba tšela ka go sedutio sa gagwe mong gomme a laetša diiri tše nne tša Melao ye Lesome, gomme a ba botšiša dikgopolo tša bona ka yona. Modimo khutšiša soulo ya gagwe ya mogale!

<sup>47</sup> Gomme ge ke e bone, ke be ke e lebeletše, gomme tshwao ye nnyane ka mehla e be e nkgomaretše. Ge bontši bja lena le e bone, e bile ge morwedi wa Farao . . . morago ga ge Moshe a hweditše ntle gore o be le mo—mo Mohebere, gomme a tšea sephetho go ya go dula le batho ba gagwe. Gomme fela go dutše yoo gatee a kilego a ba mme wa gagwe yo mobotse, o a dilela, ka moriri wa gagwe wo mopududu le sefahlego sa mašošo, o dutše ka go setulo sa matsogo; mohuta wa mme. Gomme morwedi wa Farao o tlile ka gare. Gomme o rile, “Ke nna morwa wa mang, go le bjalo?”

<sup>48</sup> Gomme ge go tlišitšwe seetšeng, gore Jogobeta e be e le mmagwe wa kgonthe. Morwedi wa Farao, ka pente ya gagwe le go ya pele, le tšohle di beakantšwe godimo; o rile, “Eupša, lebelela! A ka no ba morwa wa gago, eupša,” o rile, “ke mo fa lehumo le mabaibai. O ka be o kgonne go se mo fe selo, eupša melete ya leraga.”

<sup>49</sup> Eupša motšofadi mme wa hlogo ye pududu o rile, “Eupša ke mo fa bophelo.” Seo se dira phapano. “Ke mo file bophelo.” Modimo o mo file Bophelo bjo Bosafelego. A wa therešo, mme!

<sup>50</sup> Dinako tše dingwe batho ba re go nna, gagologolo gantši ka dikhampheining tša ka, nna “kgafetšakgafetša ke rera godimo ga



tsogo.” Gomme ke bala temana mosong wo, tema ya 15 le temana ya 4 ya Bakorinthe ba Pele, ka tsogo.

<sup>51</sup> Eupša, le a bona, tsela ye ba beago letšatši la mme, ke pitša ya matšoba e dutše kgauswi le mohumagadi wa go tšofala, yo a tšofetšego gomme a sa kgone go emelela, mohlomongwe, le go fokola, le hlogo ye pududu, le go šošobana, gomme a dutše ka go setulo sa matsogo. Ye o ke therešo go lekanela. Eupša ke nyaka go tšea kgwekgwe ya ka gomme ke le pentele seswantšho se sengwe sa se mme a lego sona.

<sup>52</sup> Yo mongwe o rila, “O rera kudu ka tsogo. Bontši kudu Molaetša wo mongwe le wo mongwe o na le se sengwe ka tsogo.”

<sup>53</sup> Gobaneng, nnete. Ke la—la maitseparelo lefelo la go khutša la Ebangedi. Ga go kgathale se A se dirilego, ge A se a tsoga gape go tšwa bahung, gona yohle ya yona ke ka lefeela. Yona, go nna, e netefatša gore O be a le Modimo. E netefatša tleleime ye nngwe le ye nngwe A e dirilego; tsogo! Gomme gape ke lefelo la go khutša la soulo. Ke ntlha ya go thoma. Ke go apeša khomotšo ya rena mphaphahlogo.

<sup>54</sup> Gomme ge re bona gore O tsogile bahung, e a re bea, ka tlhamo ya Ebangedi, ka pele ga ntwana, go tšea lefelo, go lwa. Ka gore, re a tseba O rila, “Yo a tla lahlegelwago ke bophelo bja gagwe ka baka la Ka o tla bo hwetša gape.”

<sup>55</sup> Gomme ke nagana gore ke go rweša korone go gogolo ga Ebangedi ya go Tlala, ke tsogo, le ditshepišo tše Kgethwa tša yona, le dikhomotšo tše e di fago bao ba tshepago ka go yona. Ka gore, e tshepiša kopano ye kgolo ya go kopana ga rena mmogo gape. E a tshepiša, le go—go nyamalala go tloga ga sebe sohle. E tshepiša go nyamalala go tloga ga magole ohle, ditlaišego tšohle re di dirilego ka go se, re swanetše go kgabola le yona, ka bophelong bjo. E a tshepiša, le go timelela ga lona lohle. E tshepiša gore le lehu le tla lahlegelwa ke go swara ga lona, gomme re tla tsoga ka go swaneng le Jesu. Kafao, go kgopolo ya ka, tsogo ke ye kgolokgolo go ditshepišo tšohle tša Lengwalo. Fao ke mo e le tswaleletšego.

<sup>56</sup> Gomme Paseka ya go feta, ge ke be ke rera ka dilo tše tlhano tša:

Go pheleng, O nthatile; go hweng, O  
mphološitše;  
Go bolokweng, O rwele dibe tša ka go ya kgole;  
Eupša, go tsogeng, O lokafaditša mahala go ya  
go ile.

<sup>57</sup> Leo ke Letšatši go nna, Letšatši le legolo lela la matšatši! Gomme go bona se le tla se rago, go rena bohle, ka tsogong, ge re katana le go leta Letšatši lela la go šegofala la matšatši!

<sup>58</sup> E re fa tshepišo gore letšatši lengwe ba ba go tšofala, bafokodi, ba go fokola, ba hlogo tše pududu, bomme ba go

robega fase ba tla fetolwa. E sego feela mme a tla dulago fale, ka boyenamong, eupša lapa lohle la gagwe le yena.

<sup>59</sup> Gomme a letšatši le e tla bago lona! A nako ye e tla bago yona, ge re lebelela godimo ga difahlego tša bao re bego re ba rata gabotse bjalo! A phapano mosong woo, ge re tla bona baratwa ba rena, le—le go bogela se ba tla bego ba le sona nako yeo! Ditlaišego tšohle di tla be di tlošitšwe. Tshenyo yohle ya motlhako e tla be e fedile. Go tla be go sa hlwe go le marama a go galoga a lehu. Go se sa na le megokgo go tšwa mahlong. Tsogo e tšhepiša sohle se. Go ka se sa ba dipoloko. Go ka se sa ba go phaphatha lesea lerameng, le le bjalo ka seripa sa letlapa; moo mmoloki a le omišitšego, le go kgoromeletša ntle le go bea pente godimo, le go ya pele, go lebega e le wa tlhago. Go ka se sa hlokega gape, kua.

<sup>60</sup> Ka gona ke nagana ka ge re ba bona ba eme ka mošola, bao re ba ratago, bomme ba rena, meloko ya rena, bagwera ba rena bohle; le go ba bona ka go mebele ya bona ya go se hwe, mebele ya bona ya legodimo; go boga semelo sa bona, go bona ka fao ba itshwarago ka gona ka bobose bjola le khomolo, go se sa na le go tšhoga le kgakanegokgolo. Go ba bona nako yeo ba eme ka go swaneng le Morena Jesu, leo e tla ba letšatši la go makatša.

<sup>61</sup> Gomme yo mongwe le yo mongwe wa rena, ka megopolong ya rena, re a lakalela le go hlologela iri yela ya khomotšo, ge re kopana le bona. Yo mongwe le yo mongwe o nagana ka baratwa ba gagwe, mohlomongwe mmabo yo a sepetšego. Gomme a letšatši le e tla bago lona, ge le mmona gape! Gomme go tate, le go ngwanešu, le go . . . bohle baratwa, a letšatši le e tla bago lona!

<sup>62</sup> Ke a naga, le nna, thwi bjale. Ke nagana ka lapa la ka, seo le tla se rago ka Letšatši leo.

<sup>63</sup> Ke nagana gore, mosong wola wa tsogo, mohlomongwe wa mathomo go tla go kopana le nna e tla ba Sharon wa ka yo monnyane. Aowa, o tla be a sa roromele. Diabolo yola a ka se kgone go tšena lefelong leo. Ga go menentšaethisi o ka tsogego wa kgwatha Naga yeo. O tla be a se sa ntšhišinyetša šala gabotse. A mannyane a le, a bolou mahlo a tla be a bina ge a lahlela matsogo a gagwe pele le go goelela, “Papa!” Ke tla be ke thabile go mmona, go tseba gore a ka se tsoge a hwile gape; go tseba gore gohle go fedile, gobaneng ke rera tsogo thata bjalo.

<sup>64</sup> Morago ke tla bona mmagwe, mmago Billy, mošemane wa ka. Gomme ke na le dikgopolo tše ntši thwi fao tše di sesellago. Ke elelwa ge ke be ke mo tšea godimo; goba Mna. Combs, godimo mo, o be a mo tšela mosepelo wa mafelelo, gomme ke be ke mo latela, ka koloing. Ge re be re theoga Seventh Street, thwi kua; Billy, dikgwedi tše lesomeseswai bogolo.

<sup>65</sup> Ka fao ba go mo tliša ntle mokgotheng, le go mo dumelela go mmona. Gomme o be a robetše le go lla, le go lebelela lesea la gagwe, eupša o be a sa kgone go tla kgauswi le yena.

66 Gomme nako yeo tseleng go theoga, mmoloki a tla mmogo le go ya go theoga se—se—se Seventh Street. Mama mo o be a mo hlokometše ka nako yeo. Gomme o be a eme ntle ka serapeng, ka para ye nnyane ya nthathana ya marokgwana a makopana, gomme kefa ye nnyane ye khubedu e gogetšwe ka lehlakoreng hlogong ya gagwe. Gomme ge mme yola, a robetše ka go mpete wola, ka morago ga ampolese, a mpogetše, ge a bona lesea la gagwe le eme ka serapeng, a tseba gore o be a tšea mosepelo wa mafelelo; o ile a phagama go tšwa mpeteng gomme a goelesa, a fošetša seatla sa gagwe sa maratswana ntle, go gokara lesea la gagwe ka serapeng. Eupša ga se a kgona go ba le yena.

67 Oo, e tla ba thabo go mmona ka letšatši leo. Aowa, a ka se be le diatla tša maratswana, ebile le wona marama a tla be a se a phorimela ka gare. Eupša o tla be a eme ka bobotse bja selegodimo bjalo ka kgošigadi ya Legodimo, le bja mme. Mahlo a gagwe a maso, a maso bjalo ka diphego tša magokobu, a tla be a bina ka lethabo. O tla be a se a kokoropana; moo, diabololo yola wa TB a ka se tsoge a tsene Naga yela. Eupša, go se hwe, o tla ema ka go swaneng le Yena.

68 Ke a nagana, nako yeo, wa go latela go tlo kopana le nna e tla ba Edward, yo re bego re mmitša “Humpy,” bakeng sa leina le lekopana. O be a le wa pele wa makopano a ketane ye kgolo ya senyane, ketane ya lapa la Branham. O bile makopano a mathomo a go kgaoga; yo motee kgauswi le nna. Ke tla bona Edward a etla a kitimela go nna. Go le bjalo, o hwile bjalo ka mošemane, mengwaga ye lesomesenyane bogolo. Gomme ge ke mo tšere ka seatla sa gagwe, ke na le nnete re tla ba le dilo tše ntši go bolela ka tšona, tša bošemane, ka gore re be re le bagwera. Re be re gomarelane mmogo. O be a ntumelela go apara sutu ya gagwe, le—le—le dilo, bjalo ka fao banešu ba kgonthe ba bego ba dira. E tla ba lethabo go mmona gape.

69 Gomme ke tla mo kwa a bolela se sengwe go swana le se, “A o hweditše lentšu la ka, Bill? O be o šoma boruakgomo, ka nako ya go tloga ga ka lefaseng. Eupša ka sepetlele, ke rometše lentšu morago, ‘Botšang Bill se sengwe le se sengwe se gabotse.’”

Ke tla thaba gore, “Ee, ke hweditše lentšu la gago, ntle ka megoleng.”

70 Morago, ke a nagana, go latela go tla tla papa wa ka. O bile kgokagano ya go latela go sepela, gomme. . . Aowa.

71 Ke nagana Charles e bile kgokagano ya go latela, ngwanešu yo mannyannyane. O bile le kotsi ya sefatanaga ge a be a sa le mošemane yo monnyane. Yena ka mehla o be a goga leoto la gagwe la go ja, ge a be a sepela. Eupša, le a tseba, ge ke mmona, o tla be a sa goge leoto leo. Le tla be le fedile, o tla ema ka go phadimeng ga monna yo moswa.

72 Gomme o tla re go nna, se sengwe go swana le se, ge a myemyela. O tla re, “Ee, Bill, ga go dikotsi godimo mo. Gomme ke

eelwa bošego pele ke tšewa go ya ka gare go kotsi ya sefatanaga, o boletše le nna, o eme ka mathuding a mannyane a legae la rena la go kokobela,” gomme ke lebeletše bogodimo bja, thwi bjale. “O boletše le nna ka Morena, feela diiri di se kae pele ke tloga. Gomme o be o le ka phuluphithing o rera ge ke tloga.”

<sup>73</sup> Morago go tla tla papa. Oo, ke kgona go mmona. Le ge a mphile dikotlo tše ntši tše thata, feela tlwa se ke bego ke se hloka, eupša ke tla bona moriri wo moso wola wa go tatagana, wa go phadima go feta mehlang, ka letšatši leo. Gomme o tla ntebelela, le gore, “Mošemane wa ka, o a tseba, Papa a ka se tsoge a tsoga gape go tloga go tafola mo, le gape, a swerwe ke tlala, go dumelela bana ba gagwe go ja, ka gore mo re na le bontši. Ga go bohloki mo.”

<sup>74</sup> Go mmona ge a be a eya mošomong, gomme ka disente tše masometlhano goba masomešupatlhano ka letšatši, gomme nako yeo a emelela go tloga tafoleng gore bana ba kgone go ja, a eya morago go šoma gape. Gomme o be a šoma kudu go fihla hempe ya gagwe e budušwa ke letšatši magetleng a gagwe, gomme mme a e ripa go tlemologa ka sekero.

<sup>75</sup> Ke tla mo kwa a bolela se sengwe go swana le se, “Bill, o eelwa bošego bjola wena le Ngwanešu George le etla go nthapelela ge ke be ke sepela? O a tseba, ke boditše mama gore go be go le Barongwa ba babedi ba bašweu ba eme malaong, le morongwa yo mohubedu ka maotong. Gomme morongwa yo mohubedu o be a leka go nkhwetša, eupša Morongwa yo mošweu a ema magareng. Mafelelong ba ile ba nthwalela Gae.”

<sup>76</sup> Morago, gape, wa go latela kgokaganong wa go sepela, goba yo a sepetšego, go tla tla Howard. Ke tla bona Howard; bjalo ka ge re be re tlhetlha mmogo go kgabaganya dinaga, mogohle; a biditšwe go ba modiredi; bomotho bjo bogolo, eupša badirišane le yena ba mo ditela morago. Polelo ya mafelelo ke bilego le yona le yena, o rile, “Ge ke tloga, Bill . . .”

<sup>77</sup> Ke—ke mmone a tloga, ka pono, e ka ba mengwaga ye mene pele a be a ka tloga. Ke mmoditše gore ke bone Pop a swaya lebitla la gagwe le gore o be a le wa go latela.

<sup>78</sup> Gomme o rile, “Go selo se tee ke go nyakago o ntirele sona.” O rile, “Ke kgotletše bophelo bja ka. Ke nyetšwe le se sengwe le se sengwe. Ga—ga ke tsebe gore go diregile eng.”

Ke rile, “A o a Mo dumela, Howard?”

<sup>79</sup> O rile, “Ka tšohle tše di lego ka go nna, ke a Mo dumela.” Ka go e ka ba matšatši a mabedi goba a mararo pele a tloga, o dirile khutšo ya gagwe le Modimo, le Ngwanešu Neville le bona kua. Gomme o rile, “Go selo se tee ke nyakago o se dire. Ge ke tloga, Bill, ba dire ba nkopelele, ‘O tla Kwešiša, Gomme A Re, ‘O Dirile Gabotse.’”

<sup>80</sup> Ke a dumela, pele ke šišinya seatla sa Howard, ke tla mo kwa a ema le go lebelela go nna, le gore, “Bill, O kwešišitše.”

<sup>81</sup> Morago ga fao, go tla tla Ngwanešu Seward, Ngwanešu Frank Broy, Ngwanešu George DeArk. Oo, tsogo e bolela bontši go nna. Ke lakalela ka go iri ye kgolo yela ya kgoeletšo. Gomme ge Seetša se thoma go phatlalala, “Re tla tseba bjalo ka ge re tsebja.” Re tla kwešiša, gomme—gomme re tla elelwa batswalana le rena le—le batee ba ba bego ba le fao.

<sup>82</sup> Gomme—gomme bontši, go tla ba ba bantši bao ebile re sego ra ke ra gopola ba tla ba fao. Ka gore, le a tseba, ke ka nako yeo, mo ke dumelago gore “borotho bjo re bo lahletšego godimo ga motho, meetse ao a bilogilego, a tla bo bušetša go rena ka Letšatši leo.” Ge re bona khuetšo ya bopaki bja rena, godimo ga batho ba re bego re sa kwešiše tiro ya bona go Lona, go molaleng ba tla ba fao. A Letšatši le e tla ba go lona!

<sup>83</sup> Gomme ka gona, gape, dipeu tše re di bjetšego, ebile re sa nagane seo di bego di tla se dira, eupša šedi. Di tšweleditše pele dikenywa tše bohlokwa, gomme re tla ba bona ka Letšatši leo, bahlahlathi ba go ratega le meloko.

<sup>84</sup> Gomme ke gopola ka ba dikete ba ke ba bonego ba fetolwa, ee, ka go dimilione bjale, ba eya, le se bodiredi bja bona e bego e le. Oo, go tla tšea go feta tsogo. Go tla tšea Bokagosafelego, go ya go dikologa, go šišinya diatla le go hwetša ntle dilo tše ke sa di tsebego bjale.

<sup>85</sup> Go tla ba bomme bale ba hlogo tše pududu, bao le ba aparetšego matšoba a mašweu lehono, bao le tla ba bona, gomme e tla be e la ba babotse. Ba sa emelwa ke pitša ya matšoba, goba seswantšho sa motho wa go tšofala wa hlogo ye pududu; eupša ka go swaneng le bobotse bja tsogo, ba tla ema ka go swaneng le Kriste, mebele ya bona ya legodimo, ye meswa le bobotse go ya go ile. Nnete, yeo ke go khutša. Leo ke Letšatši la mme le ke le letetšego. Ke go rwešwa mphaphahlogo. E sego go rwešwa mphaphahlogo bopele ga jase, eupša go rwešwa mphaphahlogo wa soulo, ka gore Modimo o mo fetotše!

<sup>86</sup> Ke gopola ka mme wa ka mong, wa go tšofala le go fokola, wa go roromela ka motlhakgaselo. O tla be a sa dire seo ka Letšatši leo. Go tla be go fapana nako yeo. Gomme Seetša se segolo sela se thoma go phatlalala godimo, ge re thoma go lebelela go dikologa, gomme ntikodiko ye kgolo e tla be e eba e kgolokgolo le e kgolokgolo le e kgolokgolo. Yona yohle e no bonagatša go batamela ga Jesu. “Gomme ka morago ga lebakana,” bjalo ka ge pina e rile, “gomme ke tla bona Jesu mafelelong.”

O tla be a ntetetše,  
 Jesu wa go loka bjalo le therešo,  
 Oo Terone ya Gagwe ye botse, O tla nkamogela  
 Gae  
 Morago ga ge letšatši le le kgabotše.

<sup>87</sup> Nako yeo ge re Mmona, gomme re ka se be bjalo ka ge re le bjale. Re tla—re tla tseba mokgwa wa go Mo rata go fetiša. Re ka se eme morago ka poifo ye nnyane; ka gore, re tla be re swana le Yena. Gabotse, O tla ba wa leloko go fetiša go rena go feta ka fao A lego bjale. Re tla Mo kwešiša bokaonekaone. Ka gore, re kgole go tloga, ka go mebele ya go hwa; nako yeo re tla ba le mmele go swana le mmele wa Gagwe wa letago. Re tla tseba mokgwa wa go Mo rapela. Ge re bona seo Bogona bja Boyena bja Gagwe bo se dirilego go rena, bo re fetotše; go tšofala go ya morago bosweng, bagolofadi bohle ba otlototšwe ntle. Oo! Re tla kwešiša nako yeo gore gobaneng maatla a Gagwe a re fodišitše.

<sup>88</sup> Dipotšišo tše di bego di le ka menaganong ya rena, “A ka kgona bjang go e dira? Se se tla reng?” Ka mokgwa wo mongwe, ka sephiri, tšohle di tla nyamalala go tloga. Mahuto ao a bego a tlemilwe bokamorago ga menagano ya rena, “A e tla ba se? Se ka kgona go ba bjang?” Ka mokgwa wo mongwe, goba wo mongwe, menwana ya segoši e tla no tatolla, go hunolla mahuto ao, gomme yohle e tla nyamalala ka go korone e tee ye kgolo ya lerato.

<sup>89</sup> Nako yeo re tla Mmona. Nako yeo re tla swana le Yena. Nako yeo re tla Mo rapela. Nako yeo re tla bona mme ka fao Modimo a mo nyakago.

Mme a ka se felele Kua ntle le lapa la gagwe.

<sup>90</sup> Ka gore, nako ye kgolokgolo kudu ya bophelo bjohle bja gagwe ke go bona bana go dikologa tafola, gomme bona bohle ba phelegile le go thaba; le—le—le go mmona a tšhela kofi, goba e ka ba eng a e dirago, le go lokiša dilalele, gomme yena le papa ba dula fase. Gobaneng, yeo ke nako ya lethabothabo ka go bophelo bja mama, go bona digotlane tša gagwe tšohle gae.

<sup>91</sup> Bjale, o se foše, o se foše Letšatši lela. Dira ketane ye kgolo ya lapa la gago e kgokagane mmogo, kgokagano ka kgokagano. Dira sepeke se sengwe le se sengwe se be ka lebileng. Nako yeo ge re dula fase le malapa a rena le dihlopha, go kgabaganya dikhenopi tša Bokagosafelego, a Letšatši le e tla bago lona! Nako yeo re tla kwešiša.

<sup>92</sup> E bile Yena yo a tshepišitšego se, ka go Kutollo 1, mo E boletšego, gore, “Tšhoša ya magale mabedi e tšwele molomong wa Gagwe.” “O be a bitšwa Lentšu la Modimo.” Gomme e bile go tšwa go dipounama tšeo di swanago, tše di rilego, “Ke nna Yo a phelago, a bego a hwile; gomme Ke a phela go ya go ile.” Go tšwa go dipounama tšeo di swanago, ka go Mokgethwa Johane 6, masometharo- . . . e bolela se, gore, “Nka se lobe selo, eupša ke tla se tsoša godimo gape ka matšatšing a mafelelo.” E bile Yena a dirilego tshepišo; tšona dipounama tše bohlokwa tšeo. Ke yo Motee a re phološago, Yo a re fodišago, Yo a re lopolotšego, gomme Yo a tla re tsošetšago godimo ka letšatši la mafelelo.

<sup>93</sup> Ge o le makopano a manyane a le a go fokola ao a arogantšego kopano gape ye kgolo ye ya lapa ka Letšatši lela, a

nke Modimo wa Legodimo, mosong wo, ka mokgwa wo mongwe ka tselala ya sephiri, a hunolle mahuto a mannyane ao a tlemilwego ka monaganong wa gago, le go utolla go wena lerato le A nago nalo go wena, gomme a nke o tle ka bose go Mo direla.

Ge re sa gopola ka dilo tše, a re rapeleng.

<sup>94</sup> Feelala pele re rapela, gomme le na le dihlogo tša lena di inamišitšwe, ke ya go le kgopela. A le ka rata go, ka go Letšatši le la Mme, go gafela gape maphelo a lena ka boswa go Yena, go lebelela pele go tsogo yela? A le ka phagamišetša diatla tša lena go Yena? Mola yo mongwe le yo mongwe. . . Modimo a go šegofatše.

<sup>95</sup> A go ka ba modiradibe yo a lego gona bjale, a ka rego, “O Modimo, ga se ka be ka kgokaganya nnamong ka go kgokagano yela. Ke nna yo motee a hlokegago a ka se bego fale ge mme a eya go lebelela go dikologa go kgabola Letago. Nka se be fao, ka gore ga se ke tsoge le bjale ka dira khutšo le Modimo. Ga ke na le kholofelo ya Bophelo bjo Bosafelego ka go nna. Eupša lehono ke—ke nyaka go dira seo”? A o ka phagamiša seatla sa gago, wa re, “Nthapelele, Ngwanešu Branham, ka nako ye. Ke nyaka go gopolwa ka thapelong, ka gore ke na le baratwa ba ka mošola wa lewatle, lewatle la Bophelo, gomme ke nyaka go kopana le bona”? Phagamiša diatla tša gago.

<sup>96</sup> Goba yo mongwe yo e lego mokgelogi, gomme a nyaka go tla morago go letšatši le, le go re, “Morena, ke ikgafela gape nnamong gape go Wena; ke tla go mpshafatša kgwerano ya ka le Wena,” a o ka phagamiša diatla tša gago?

<sup>97</sup> Tate wa rena wa Magodimong, bjalo ka ge go gogilwe, letšatši le le dira letšatši le tee kgauswiuswi go tiragalo ye kgolo yela. Gomme re sa tšwa go gapeletšwa, ngwaga wo mongwe le wo mongwe, go bona le le emelwa.

<sup>98</sup> Bjalo ka ge batho ba be ba tlwaetše go ya Jerusalema ka Letšatši la Pentecost, le go hlwekišwa ga tabarenekele le sekgethwa, le—le moneelo wa go neelwa bakeng sa sebe; ngwaga ka ngwaga ba be ba eletšwa, ge kwana yela e be e ehwa ntle kua, gore go be go tla tla nako yeo Kwana ya Modimo e bego e tla hwa, go hlala sebe. Nako le nako ge moisa yo monnyane yola a ragaraga, gomme madi a fafatša godimo ga diatla tša bona, ba be ba eletšwa gore go be go tla ba nako ge go tla ba Kwana ya Modimo, ye e tla llogo, “Eli, lama . . . ? Eli, lama . . . ?” mo sefapanong.

Ke a rapela, Modimo, gore ge re lebelela lehono le go bona gore . . .

<sup>99</sup> Dibeke di se kae tša go feta, pele ke tloga ka tirelong ya Gago, go ya California, Indiana ye e be e robetše e hlobotše le go hwa, gomme go be go se bophelo, go bonagala. Matšoba a a hwilego marega a go feta. Matlakala a be a tlogile mehlareng.

Gomme mohlodi ka mehlareng o ile medung, gomme se sengwe le se sengwe se be se hwile.

<sup>100</sup> Eupša go bile sehla ge letšatši le thoma go kganya ka tsela ya go fapana. Letšatši la go swana le bego le kganya go kgabola marega, eupša dielemente di fetogile bjale le kgantše go fapana. Gomme ka go kganya ga letšatši, le dielemente, bophelo bo tabogetše godimo, mogohle. Matlakala a bowa morago mohlareng. Matlakala . . . Bophelo bjo bo bego bo tlogetše letlakala, gomme letlakala le hlohleregile go tloga, eupša bophelo bo ile ka mobung; le boile ka bobotse bjo boswa, ka go phadimo ya boswa. Letšoba le le bego le neetše godimo wa lona—monko wa lona, le le bego le neetše godimo botse bja lona bja go gadima gomme le wetše ka lefaseng; le tswetše, le go palegela pele gape ka go boswa bja lona, ka monko wo moswa.

A re eletšwa ka eng, Morena, ka go diiri tše?

<sup>101</sup> Gomme lefase le tla go tšwa go la go se be le selo, leganata la legwahla, go ya go paradeisi ya botse, gomme dinose le dinonyana di a opela, gomme se sengwe le se sengwe se pelobohwefo, gomme mehlare e—e nyakalla ka go diphefo tša moyanatšididi wo borutho wa seruthwane. Borutho le thabo di be di le lefaseng gape, ka baka la letšatši, l-e-t-š-a-t-š-i.

<sup>102</sup> Eupša letšatši le lengwe M-o-r-w-a o tla ka phodišo ka diphegong tša Gagwe, gomme maphelo a mannyane ale a utilwego bjalo ka mohlodi ka mohlareng, ka mobung, bjalo ka bo—bo bophelo bjo bo lego ka go peu ya letšoba, e tla bo tliša pele go boswa gape, bja se tsoge bja nyamalala. Oo, re Go leboga bjang ka se!

<sup>103</sup> Gomme go bile bontši, diatla tše ntši tše di ilego godimo mosong wo, ka gore ba tseba gore ka kua ga seširo kua, go na le se sengwe. Ba hlologetše go bona mme. Ba hlologetše go bona baratwa ba bona le metswalo ya bona, le go hwetša ntle diphiri tšohle tše, ka fao ba tlilego mo, le go theoga go kgabola nako. Yona yohle e robetše morago ga seširo se se utilwego. Gomme letšatši le lengwe O a tla. Gomme ba phagamišetše diatla tša bona; ba—ba—ba—ba nyaka go ba le nnete, Morena. Ba impshafatša bonabeng gape, gomme kafao le nna. Bjale re thuše, Morena. Mpshafatša tumelo ya rena le maatla a rena.

<sup>104</sup> Gomme bjale ge re ikwela go batamela ga Morena. Gomme mengwaga ye masome a mane ya go feta, go phulegile pentecost ye mpsha godimo ga lefase. Moya o thoma go utolla dilo. Gomme ke rena ba mo ka go leswao la mafelelo, feela pele ga go Tla. Re a tseba go batamela ga Morena go kgauswi. Gomme re bona balwetši ba fodišwa go tšwa go malwetši a bona, fao e bego e le sephiri go lefase, lebaka la dikete tše pedi tša mengwaga, ge e sa le go tloga go baapostola. Eupša še e tšwelela gape, bapofeta ba a tsoga, Barongwa ba a tšwelela, maswao le matete. Ke eng? Tsogo e batamela kgauswi. M-o-r-w-a o a tla.



<sup>105</sup> A re lokeng, Morena. A re gokareleng tshepišo Kgethwa ye nngwe le ye nngwe; se naganeng ka mahutwana a mannyane ao a kgobokeditšwego ke saentshe, le go ya pele, gore se ka se kgone go direga. A dire a thome go tlemologa, mosong wo, ka sa go se hwe. . . [Ga go selo godimo ga theipi—Mor.] . . . ge A thothomela go kgabaganya Mantšu a Beibele ya Modimo, bjalo ka seletšo se se beakantšwego gabotse, go opela morethetho, “Ke nna Yo a bego a hwile, gomme ke phela go ya go ile.” “Lebakana le lennyane, gomme lefase ga le sa Mpona gape; go le bjalo lena le tla Mpona.” “Ka gore Ke tla ba le lena, le ka go lena, go fihla bofelong bja lefase.” “Gomme go tla tla go phethega ka matšatšing a mafelelo, go realo Modimo, gore ke tla tšhollela Moya wa Ka godimo ga nama yohle; maswao le matete; bakgalabje ba tla lora ditoro, gomme masogana a tla bona dipono,” maswao a pula ya moragorago le nako ya bofelo. A nke e ikwelwe magareng ga rena, mosong wo, Morena, gomme a nke tumelo ya rena e bolokege. Ka gore re e kgopela ka go la Jesu Leina. Amene.



*LETŠATŠI LA MME* NST59-0510M  
(Mother's Day)

Molaetša wo ka Ngwanešu William Marrion Branham, setlogong o abilwe ka Seisimane ka Letšatši la Mme, Lamorena mosong, Mei 10, 1959, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya maknete, gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme e phatlalatšwa ke Voice Of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)